

ITEM EMI OWO-EKỌŃ EMI EBIGHIDE KE EKỌŃ ỌNỌDE AKPARAWA OWO-EKỌŃ

2 Ɗwed Timothy 3:14-17; 4:1-8; 1 Ɗwed Timothy 6:11, 12.

ỌYỌHỌ UKPEP-ŃKPỌ 416

Eke Ikpọ Owo

IKỌ IBUOT: “Ńwana eti eńwan mbuọtidem sọńọ mum nsinsi uwem kama, emi ekekotde fi edida enyene, afo okonyuń etiń eti ikọ mbuọtidem ke iso ediwak ntiense” (1 Ɗwed Timothy 6:12).

I Eda Odudu Spirit Ewet Iko Abasi

Esọńọ Timothy idem ndika iso ke mme ńkpọ oro enye ekekpepde, 2 Ɗwed Timothy 3:14. Edisana Iko Abasi ekeme ndinam owo enyene ifiok osim erinyańa oto ke mbuọtidem, 2 Ɗwed Timothy 3:15.

Kpukpru ńwed eke edade odudu Spirit Abasi ewet, enyuń edi se ifonde, 2 Ɗwed Timothy 3:16, 17.

II Ata Akpan Ewuho

Ema ewuk Timothy ke iso Abasi ye Jesus Christ ndikwọrọ Iko, 2 Ɗwed Timothy 4:1, 2.

Ini eyedi eke mme owo midiyohọ aba eti erikpep, 2 Ɗwed Timothy 4:3, 4.

Esọńọ Timothy idem ndinam utom esie mma. 2 Ɗwed Timothy 4:5; 1 Ɗwed Timothy 6:11, 12.

III Anyanya Emi Ebetde

“Ini unyọń mi ke ekpere,” 2 Ɗwed Timothy 4:6.

“Mma ńńwana eti eńwan,” 2 Ɗwed Timothy 4:7.

“Ema enim anyanya eti ido ebeńe mi, idinyuń inohọ mi ikpọń,” 2 Ɗwed Timothy 4:8.

SE EKPEPDE EBAŃA

Mme nso utọ ikọ eridemere edi emi ke ibuot ikọ nnyin! Paul, owo-mbet emi ebighide ke ekọń ama ọńọ Timothy, akparawa ọkwọrọ-ikọ item unyọń esie, kpa Timothy emi ini iso akanade enye ke iso. Owo-mbet emi, ńko, ama ọtọńọ utom anditiene-Christ esie ke idaha akparawa esie ke ndiyak mme nsuhọ isua uwem esie ke ndikwọrọ Eti-mbuk Ọbọń Jesus Christ. Mme ńkpọ-ndik, mkpọsọń ini, ukut ye mme ńkpọ ubiak ekedi udeme esie ke ofuri ini utom ukwọrọ-ikọ esie, ndien ke akpatre esin enye ke ufok ńkpọkọbi, onyuń odu do ebet ediwot esie. Paul ikowutke Timothy nte ke edi mmem-mmem ńkpọ owo ndidi owo ekọń Abasi. Emi ikedighe usuń emi ọyọhọde ye uyama ńkpọ-uwem emi, emi andida itie Paul edisobode, edi ofuri ńkpọ ekọń emi enye emi ọtọńọde utom Ọbọń edinyenede enyene ndidi ńkpọ Spirit. Enye enyene ndise ńkpọ Heaven, idighe ńkpọ isọń.

Anditiene-Christ oduk ke ańwa-ekọń, idighe utom okuk; enye enyene ndidi owo ekọń, idighe owo mbubine, enye enyene ndiyọ mme mfina uwem, inyeneke ifure, enye enyene ndikań uwem esie, idighe enye emi okopde uyuhọ-uwem emi. Akwa owo ekọń emi ama emen kpukpru se ibańade uwem esie etiń ke mme ikọ emi: “Mma ńńwana eti eńwan, mma mfehe mbuba mi mma, mma nsọńọ mmum mbuọtidem ńkama.” Enye ama otim ese iso onyuń okut utip esie nte ayamade ke Heaven, ndien mme ikọ kiet-kiet emi enye ekenyenede ọńọ Timothy (emi onyuń anade ọńọ nnyin ńko) ekedi ikọ nsọńidem ye eridemere emi otode ke Spirit.

Odudu Spirit

Akparawa emi, Timothy, ama enyene mfọń iso sia ekebemde iso ekpep enye ke ini uyen esie ebańa ekọm-urua ye akpanikọ eke edude ke Edisana Ɗwed Abasi, emi ekemede ndinam owo enyene ifiok osim erinyańa oto ke mbuọtidem eke odude ke Christ Jesus.

Ɗwed Abasi emi ekewetde ke ini ukara edidem James emi nnyin ikamade inyuń imenerede iwut mme mmọ efen ọdohọ ete, “kpukpru ńwed, eke edade odudu Spirit Abasi ewet edi se ifonde.” Idaha ukabare Ɗwed Abasi eke America emi nnyin mikemeke ndimenere enye ńwut nte eti, ọdohọ

ete, “Nwed Abasi kiet kiet eke odudu Abasi, ekpoñ ikọ emi “edade.” Emi anam eyik nte ke ndusuk Nwed Abasi itoho ke Spirit Abasi. Ediwak owo eyom nnyin inim ke akpanikọ ite ke idighe kpukpru itie ke Nwed Abasi ke eda Spirit Abasi ewet: edi edieke mbume ọkpwoṛode abaña ndusuk Nwed nte midighe Spirit Abasi ewet, anie edibiere ibaña emi ewetde eto ke Spirit Abasi ye emi mitoho? Nnyin imekeme ndida Edisana Nwed Abasi emi ekewetde ke eyo edidem James ke ọyọhọ idaha esie inyuñ isọhọ idaha nnyin ke esit nte Ikọ Abasi emi ewetde eto ke Spirit Abasi. Ntre nnyin imada ke eti isọh. Edi utom nnyin ndinum Abasi ke Ikọ Esie.

“Kpukpru nwed, eke edade odudu Spirit Abasi ewet, enyuñ edi se ifonde ndida nkpep owo nkpo, nnyuñ nsua nnọ owo, nnyuñ nnam owo esaña nte enende, nnyuñ nteme owo edinen ido.” Mme ikọ oro edi akpanikọ. Editua mkpofikọ iduhe do. Ikọ Abasi emi ewetde ayarade owut akpanikọ ebe ke se enye anamde. Enye edi odudu emi okponde akan, akpatre esop usioño ikpe. Edieke nnyin inyenede mme afanikọh ke esit me ke aña, nnyin imekeme ndika ke Nwed Abasi man inyene iboro inọ mmọ, afanikọh oro edide akamba me ekpri. Imoyom kpukpru ikọ Abasi man ańwam nnyin ndinam kpukpru nti utom.

Ndiyire Ke Eti-mbuk

Item emi enọde Timothy ọdọhọ ete, “Edi afo, yire ke se afo ekekepepe, onyuñ otimde ọfiok ete edi akpanikọ.” Nte oro itinke inọ nnyin mfin emi? Ke akpanikọ enye etiñ. Nso ke Ikọ Abasi ekpep, ndien nso idi mme ukpep-nkpo eke ekpepe eto ke Eti-mbuk? Nnyin imekpep edisana ido ye nsinsi odudu akpanikọ Abasi. Nnyin imekpep ata akpan nta emi minaña nnyin inyene ebuana ye idiok-nkpo ererimbot emi, mme ndifebede nkpoñ akpanikọ Abasi. Nnyin imekpep ndinyene nnen-nnen Spirit akpanikọ ye Spirit mbuotidem ke akpanikọ. Nnyin imekpep ndinam akpanikọ ke ikot ye ke nta emi nnyin isọhọde ida ke ini iyakde esit ye uwem nnyin inọ Abasi. Itimke ikem ndikpep nnyuñ mfiok Ikọ Abasi; edi ndibo akpan utip, owo enyene ndika iso ke esit nnyuñ nnam mme nkpo eke enye ekekepepe onyuñ ayararede ọfiok.

Utiti Isan

Paul ama asaña ekpere utiti isan esie. Mme ufañ ke ukpep-nkpo nnyin, esine mme akpatre ikọ emi enye ekewetde. Enye ikatuaha mkpofikọ ke abaña nsuhoridem esie ye mbuotidem ke akpanikọ emi eyararede ke esit esie ke ini enye okosobode ye Christ ke usuñ Damascus. Ke ini oro enye ekedi akparawa. Idaha emi enye edidi Paul, akani eren. Enye ańwana ediwak iso ekọh, onyuñ ọyọ ediwak ukut. Enye ama otim odot ndidọhọ Timothy ete, “Biom ukut.” Timothy ekeme ndidori enyin ndisobo ye mme mkposon ini; ukut eyedi ke usuñ esie; enye ekenyene mme asua. “Ke akpanikọ kpukpru owo eke eyomde ndidu eti uwem ke Christ Jesus enyene ndibiom isin-enyin” (2 Nwed Timothy 3:12). Ediwak ukobọ Paul okoto ke ubok mme mmọ emi edohode ete ikpono Abasi. Enye ama okut ukut ke ubok nditọ ete abiaña. Edi enye ọkọdọhọ ete “ke emi emon edinwaña mi eduok ... Mma nńwana eti eńwan.” Akana nte eńwana enye nte enye eketinde. Enye ama efik ikontense esie ke iyip esie-mmọ. Enye ama obọ anyanya emi enye eketinde abaña, emi Obon edinode kpukpru mmọ oro emade Enye.

“Mma mfehe mbuba mi mma, mma nsọhọ mmum mbuotidem nkama.” Oro edi ndibe erikan eke anditiene-Christ enyenede ke ererimbot emi, ikereke ibaña se akpade enye. Heaven edi se imemde urua ke ekom-urua ekededi. Edieke nnyin iyomke ndiduk Heaven, nnyin inyene ndimum mbuotidem nkama. Nnyin inyene ndika iso nsaña ke uńwana. Nnyin inyene ndisin ifik nka iso mbine utiti mbuba, man ikpobọ utip akwa ikot eke Abasi okokotde nnyin ke Christ Jesus. Emi edi eńwan emi etohode ke akpa eńwana tutu utiti, ndien Paul ọkọdọhọ ete ke edi “eti eńwan.” Ekedi eti eńwan onọ Paul koro enye akadade ikọ mbuotidem emi ema ekeyak ini kiet ko esin nti ikot Abasi ke ubok nte akpan nkpo ke esit esie.

Eńwan Mbuotidem

Ata anditiene-Christ edi ata owo ekoh. Ke akpan nte ikọ oro ọdọhọ ete, “Nwana.” Owut ete ke odudu erisohọ nda nńwana odu; enye emi asakde iso ọdok aka ndinwana odu, ndien asua onyuñ odu. Asua nnyin idighe obuk ye iyip, edi nte Ikọ Abasi etinde onọ nnyin, enye edi obon emi akarade edem ikpa-enyoh, kpa satan.

“Sohọ mum nsinsi uwem kama.” Nso idi nsinsi uwem? “Nsinsi uwem oro edi ndifiok Fi, ata Abasi kierakiet, ye Enye emi Afo okodonde, kpa Jesus Christ” (John 17:3). Nte afo omofik Abasi?

Ŋkukure usuñ kiet odu ke ndifiok Abasi: “Nnyin inyuñ ida emi ifiok ite, imofiok Enye, emi nnyin inimde mbet Esie” (1 John 2:3). Ndien baba owo ndomo kiet ikemeke ndifiok Abasi edieke enye mminimke mbet Abasi. Oro idaha ino ibet kiet edi, edi ndinim kpukpru ibet. Ndusuk owo ekeme ndidu ke mkpaidem nte ememde ndinim kpukpru ibet Abasi. Ŋwed Abasi odoho ete; “Ma Jehovah Abasi fo ke ofuri esit fo, ye ke ofuri ukpoñ fo, ye ke ofuri ekikere fo. Emi edi akamba ye ebe-iso item. Udiana onyuñ ebiet enye, ete, Ma mbohiduñ fo nte idem fo” (Matthew 22:37-40). “Ofuri mbet ye mme prophet esine ke mme item iba oro,” Jesus okodoho.

Emi edi eti enwan! Afo enyene ndidi eti owo-ekoñ, midighe afo uduñwanake eti enwan. Ndien Enye odoho, “Biom ukut.” Edieke afo ekerede ete ke eyemen fi ke bed mfri-ukim edok ke Heaven, afo amanam ndudue. Enyene ndida kpukpru se enyenede, okoro ye mfon Abasi, man ekeme ndidi anditiene-Christ! Abasi odoho ete idighe mbon nsop-itok ekan ke mbuba, inyuñ idighe mbon-uko ekan ke ekoñ. Afo unyeneke ndidi okposon owo uko ke obukidem man edi eti owo-ekoñ Christ. Afo unyeneke ndidi enye emi ekemede ndisop eti-eti ke obukidem man akan ke mbuba emi.

Utom Okworo-iko

Kpukpru nti mme okworo Eti-mbuk emi ekworo eti ukpep-ñkpò, ke edisana idaha, odudu ye ofuri uyoho esie. Edisana ewuhò emi Paul onode Timothy, “Kworo iko Abasi,” ikanaña ino Timothy ikpoñ. Akpan ewuhò oro ana ono kpukpru mme okworo Eti-mbuk emi.

Idighe tutu owo ada ke mbot ukworo-iko ndien enye edi okworo-iko, edi anditiene-Christ ekeded emi amanade obufa edi okworo-iko, sia enye edide anditiene Christ, sun-sun owo Nazareth. Edu uwem owo eyekworo se ifonde me se idiokde abaña Ukpep-ñkpò Christ. Uwem owo ye erinim ke akpaniko esie enyene ndisaña ukem-ukem kpukpru ini ye idaha akpaniko emi Edisana ñwed Abasi akamade. Ke 2 Ŋwed Timothy 4:2, nnyin imokot se mme utom okworo-iko edide. Enye enyene ndiyarare añwa-añwa, uwak inyene Christ, eke owo mikemeke ndiduñore mma. Enye enyene ndikworo iko emi osode owo idem anam edemere onyuñ osode ada, enye ñko onyuñ enyene ndikworo itie oro midipke idiok-ñkpò ye mbubuk emi odude ke uwem mme owo. Ndien Owo-mbet adian iko “koro ini omode edi eke mme owo midiboho eti ukpep-ñkpò.” Nte enyene ini efen emi Iko itie Ŋwed emi osude nte mfin emi?

Eti Ini

“Sin ifik nam emi, ke edide ekem ini ye ke minyuñ idighe ekem ini.” Paul, owo-mbet akada mme ifet ye mme idaha emi ekebererede eno enye ndikworo Eti-mbuk nnyuñ ntiñ iko-ntiense mbaña mbuotidem esie ke Christ Jesus. Ke akpaniko, onioñ ye mbufiok edi se eyomde nte ifiop-esit, edi ini eke etiede nte “idighe ekem ini,” ye ndusuk owo ekeme ndidi “ekem ini,” adaña nte Abasi ofiokde. Felix ama okop abaña mbuotidem Paul ke Christ. Felix edighe, onyuñ odoho ete, “ka okuo kaña; mma nnyene ifet, nyetono ntak ñkot fi edi” (Utom Mme Apostle 24:25). “Eti Ini” Abasi edi idaha emi: “Sese, ini mfon-ido mi, sese, usen erinyaña mi” (2 Ŋwed Corinth 6:2). Eyetim anam ufon edieke ikot Christ edineñerede eyarare eti mbuk erinyaña mmò kpukpru ini añwa-añwa.

MME MBUME

- 1 Nso ke Timothy ekenyene ndinam ye mme ñkpò ke Ŋwed Abasi emi enye ekekpepe?
- 2 Ini ewe ke Timothy ekekpepe Edisana Ŋwed Abasi?
- 3 Ewe Ŋwed ke eda odudu Abasi ewet?
- 4 Siak nsuhore ñkaha, ñkpò inañ emi Ŋwed Abasi ofonde.
- 5 Nso iditibe ino mme owo emi midiboho eti ukpep-ñkpò?
- 6 Nte uwem Timothy nte anditiene-Christ ekenyene ndidi mmem-mmem mme okposon?
- 7 Didie ke Paul, owo-mbet eketiñ abaña ofuri uwem esie?
- 8 Nso ke ekenim ke Heaven eno Paul? Anie ono utip emi?
- 9 Anie edibò ukem utip emi?